



Skrifstofa borgarstjóra og borgarritara

Reykjavík, 17. september 2026

MSS26090053

ívs

Hér með sendist útskrift úr fundargerð borgarráðs frá 17.9.2026 varðandi eftirfarandi mál:

SBB - Framtíð skólamála í Reykjavík - til afgreiðslu

Lögð fram svohljóðandi tillaga borgarstjóra, dags. 15. september 2026:

Lagt er til að borgarráð samþykki að stofnað verði til samtals um sókn Reykjavíkurborgar í leik- og grunnskólum við kennara og annað starfsfólk í leik- og grunnskóla. Vinnuna leiði Björg Magnúsdóttir forseti borgarstjórnar ásamt Bjarna Fritzsyni formanni skóla- og frístundaráðs og Sigrúnu Ástu Einarsdóttur formanni leikskóla- og daggæsluráðs, í samstarfi við skóla- og frístundasvið.

Greinargerð fylgir tillögunni.
Samþykkt.

Arndís Steinþórsdóttir og Steinn Jóhannsson taka sæti á fundinum undir þessum lið.

Borgarráðsfulltrúar Sjálfstæðisflokksins, Viðreisnar og Framsóknarflokksins leggja fram svohljóðandi bókun:

Nýr meirihluti borgarstjórnar ætlar að snúa vörn í sókn í skólamálum með mælanlegum hætti og vinna að því að koma skólastarfi í Reykjavík í fremstu röð. Við viljum auka námsárangur barnanna okkar og að skólarnir séu eftirsóttir vinnustaðir. Niðurstöður PISA 2025 eru enn ein áminning um að úrbóta er þörf og kalla á tafarlaus og markviss viðbrögð. Þótt nemendur í Reykjavík nái að jafnaði betri árangri en nemendur á landsvísu er þróunin mikið áhyggjuefni. Á aðeins tíu árum hefur hlutfall nemenda sem ná grunnhæfni í lesskilningi lækkað úr 78% í 56%. Á sama tíma draga niðurstöðurnar fram mikilvæga styrkleika íslenskra nemenda. Þeir mælast sterkir í þrautseigju, félagslegum tengslum og sjálfstjórn í námi og upplifa mikinn stuðning kennara. Þar eru sterkar undirstöður sem hægt er að byggja á. Viðbrögðin mega ekki felast í enn einu tímabundnu átaki. Setja þarf skýr og mælanleg markmið, greina stöðu nemenda snemma, grípa hratt inn í þegar þeir dragast aftur úr og fylgja árangri kerfisbundið eftir. Meirihlutinn mun á næstunni bjóða kennurum og starfsfólki grunn- og leikskóla í Reykjavík ásamt foreldrum til samtals í Ráðhúsinu um það hvernig við getum saman mótað markvissar aðgerðir til framtíðar.

Borgarráðsfulltrúar Samfylkingarinnar leggja fram svohljóðandi bókun:



Reykjavík



Fulltrúar Samfylkingarinnar styðja tillögu um víðtækt samráð við hagaðila í menntakerfi borgarinnar sem hafi það að markmiði að móta sameiginlega framtíðarsýn í menntamálum. Tillaga meirihlutans gerir ráð fyrir samtali fulltrúa meirihlutans við kennara og annað starfsfólk leik- og grunnskóla en mikilvægt er að virkja fleiri aðila í þeirri vinnu. Eðlilegt er að fulltrúar fleiri fagstétta í skólaumhverfinu komi að vinnunni auk kennara, sem og fulltrúar skólastjóra, foreldra, nemenda, háskólasamfélagsins, frjálsra félagasamtaka sem tengjast málaflokknum og kjörnir fulltrúar allra flokka í borgarstjórn. Þar má gjarnan nýta vel heppnaða aðferðafræði sem beitt var við mótun menntastefnu Reykjavíkurborgar á síðasta áratug þar sem áhersla var lögð á þverpólítíska aðkomu og virkjun allra helstu hagaðila í menntakerfi borgarinnar. Menntamál eru einhver mikilvægasti málaflokkur almannapjónustunnar og sá vettvangur sem getur hvað best tryggt jöfnuð í samfélaginu meðal barna. Því er mikilvægt að vanda til verka þegar mótuð er framtíðarsýn í málaflokknum og gæta þá betur að því að styðja við bakið á nærsamfélagi fjölskyldna en gert var í hagræðingaraðgerðum meirihlutans, þar sem hverfamiðstöðvar voru lagðar niður, mannréttindaskrifstofa og alþjóðateymi sem öll höfðu mikilvægu hlutverki að gegna við að stuðla að auknum stuðningi við viðkvæma hópa og betri inngildingu fjölskyldna af erlendum uppruna í samfélagið.

Áheyrnarfulltrúi Vinstreisins leggur fram svohljóðandi bókun:

Fulltrúi Vinstreisins telur mikilvægt að skóla- og frístundaráð og leikskóla- og daggæsluráð hafi einnig aðkomu að skipulagningu þessa samtals áður en það fer af stað.

Áheyrnarfulltrúi Sósíalistasflokks Íslands leggur fram svohljóðandi bókun:

Því er fagnað að unnið verði með niðurstöður PISA könnunar í samráði við kennara og annað starfsfólk í leik- og grunnskóla. Mikilvægt er að allir fulltrúa skóla- og frístundaráðs ásamt leikskóla- og daggæsluráðs eigi sæti á málstofunni svo hægt sé að vinna áfram með hugmyndir af dugnaði og í samvinnu. Við viljum öll styðja betur við nám barna og það er verk að vinna.

Helga Björk Laxdal
e.u.

Afrit:
Björg Magnúsdóttir
Bjarni Fritzson
Sigrún Ásta Einarsdóttir
Skóla- og frístundasvið



Borgarráð

Reykjavík, 14. september 2026

MSS26090053

Framtíð skólamála í Reykjavík

Lagt er til að borgarráð samþykkti að stofnað verði til samtals um sókn Reykjavíkurborgar í leik- og grunnskólum við kennara og annað starfsfólk í leik- og grunnskóla. Vinnuna leiði Björg Magnúsdóttir forseti borgarstjórnar ásamt Bjarna Fritzsyni formanni skóla- og frístundaráðs og Sigrúni Ástu Einarsdóttur formanni leikskóla- og daggæsluráðs, í samstarfi við skóla- og frístundasvið.

Greinargerð:

Í samstarfsyfirlýsingu meirihluta borgarstjórnar kemur fram að blásið skuli til stórsóknar í menntamálum og efla leik- og grunnskóla sem kostur er. Í því felst að gera líf fjölskyldna í borginni betra með því að taka vel utan um þessa málaflokka.

Þá segir í verkefnalista meirihlutans: „*Við ætlum að setja okkur mælanleg markmið um aukinn árangur í skólastarfi og stefna að skólakerfi í fremstu röð.*”

Í niðurstöðum í PISA könnunarinnar sem kynnt var 7. september síðastliðinn kemur fram að frammistaða íslenskra nemenda er undir meðaltali OECD-ríkja og síðri en frammistaða jafnaldra þeirra annars staðar á Norðurlöndunum á öllum þremur sviðum rannsóknarinnar. Niðurstöðurnar kalla á náið samtal við kennara og annað starfsfólk um framtíð skólamála í Reykjavík. Á meðal verkefna verði málstofa í Tjarnarsal Ráðhússins á haustönn með kennurum og öðru starfsfólki í leik- og grunnskóla þar sem yfirskriftin verður: *Hvernig komum við skólastarfi í Reykjavík í fremstu röð?* Í kjölfar málstofunnar verði unnin einföld samantekt og aðgerðaráætlun sem lögð verði fyrir skóla- og frístundaráð og leikskóla- og daggæsluráð og jafnframt rædd í borgarstjórn.

Hildur Björnsdóttir
borgarstjóri



Reykjavík